

Službeni naziv: Općina Zavidovići	
Država	Bosna i Hercegovina
Entitet	Federacija Bosne i Hercegovine
Kanton	Zeničko-dobojski
Koordinate	44°26'23.5"N 18°08'37.8"E
Površina	521 km ²
Stanovništvo	35.988 (2013)
Vremenska zona	Srednjoevropsko vrijeme
Klima	Umjereno kontinentalna
Poštanski broj	72 220
Pozivni broj	(+387) 32
Transportna povezanost	
Zenica	44 km
Sarajevo	120 km
Tuzla	80 km
Magistralni put M17	11 km
Aerodrom	80 do 120 km
Zašto investirati u Zavidoviće?	
<ul style="list-style-type: none"> • Sporazum o slobodnoj trgovini u okviru CEFTA • Sporazum o slobodnoj trgovini sa Turskom • EU sporazum o stabilizaciji i pridruživanju • Stimulativna porezna politika • Povoljan pravni okvir za investitore • Niski troškovi poslovanja: struja, komunalije, itd. • Dugogodišnja tradicija u poljoprivrednoj industriji • Kvalificirana radna snaga u poljoprivrednom sektoru • Urađena prostorno planska dokumentacija • Efikasna lokalna uprava • Obilje prirodnih resursa (zemljišta, šume, rijeke) 	




OPĆINA ZAVIDOVIĆI
Služba za upravljanje ekonomskim
poslovima i poduzetništvom

Ulica Safvet-bega Bašagića br. 9,
72220 Zavidovići
Telefon: 032/ 878-318

Odgovorna osoba:
Izet Bašić, dipl. agronom
Pomoćnik načelnika Službe za
upravljanje poljoprivredom, vodoprivredom
i komunalnim poslovima



Ovaj letak je pripremljen zahvaljujući podršci američkog naroda putem Američke agencije za međunarodni razvoj (USAID). Sadržaj ovog materijala je isključiva odgovornost Općine Zavidovići i ne odražava nužno stavove USAID-a ili Vlade Sjedinjenih Američkih Država



Vodič za
investitore:
Poljoprivredni
sektor



Prostorni položaj

Općinu Zavidovići karakterizira visok stepen prirodne raznolikosti. Postoje značajne površine poljoprivrednog zemljišta i velike površine pod šumama u kojima su prisutne različite vrste listopadnog i zimzelenog drveća. Područje je bogato staništima prirodnih biljnih vrsta, posebno ljekovitih biljnih vrsta, voćem, gljivama i sl.

Klimatske karakteristike

Dominira umjereno topli i vlažni klimat sa preovlađujućim kontinentalnim uticajima. Godišnja prosječna izoterma iznosi 10,4°C. Najtopliji mjesec je juli sa dugogodišnjim prosjekom od 20.2°C, dok je najhladniji mjesec januar u kojem se mjere negativne temperature i iznose oko -0.5°C. Vegetacioni period koji se odnosi na poljoprivredne kulture počinje 1. aprila, a završava se 21. septembra.

Kategorija zemljišta

Katastarska kultura	Površina ha	Učešće u %
Oranica i vrt	6.856	12,6
Voćnjak	1.431	2,6
Livada	2.633	4,7
Pašnjak	2.974	5,3
Ukupno poljoprivredno -obrađivo zemljište	13.894	25,01
Šumsko zemljište	39.966	71,94
Izgrađeno zemljište i neplodno	1.695	3,05
UKUPNO ZEMLJIŠTE	55.555	100%

Na području Općine Zavidovići registrovano je 1.700 poljoprivrednih gazdinstava.

Poljoprivredni resursi

Prema procjenama, više od 70% stanovništva bavi se poljoprivredom, kao osnovnim i dopunskim zanimanjem. Prema statističkim podacima ukupna vrijednost ostvarene proizvodnje u poljoprivredi iznosi preko 20 mil. KM, u najvećoj mjeri od animalne proizvodnje, jagodastog voća, povrća i dr. Potencijal predstavlja zemljište koje se dugi niz godina ne obrađuje te se jednostavnim agrotehničkim mjerama može privesti u vrlo produktivno zemljište (proizvodnja voća, povrća i krmnog bilja) i koje može ostvarivati značajne ekonomske vrijednosti.

Proizvodnja povrća ima prirodne uslove za razvoj i zastupljena je mješovita proizvodnja. U proizvodnji najzastupljeniji je krompir i krastavac „kornišon“, koji se uzgaja na otvorenom polju. Površine pod plastenicima se konstantno šire i dostižu 2,5 ha, u kojima je izražena proizvodnja paradajza i paprike.

U oblasti **voćarske proizvodnje** aktivno je oko 3.000 individualnih proizvođača, od čega je 400 proizvođača malina. Na oko 4.700 ha voćnjaka prosječno se proizvede oko 280 t jabuka, 60 t krušaka, 70 t šljiva, 50 t trešanja, 250 t malina i 200 t ostalog voća. Proizvodnja maline ima stalan rast i dostigla je površinu 40 ha, s trendom smanjivanja površina. Pored uzgoja maline, postoje dobri uslovi i za uzgoj drugog jagodastog voća: jagoda, borovnica, aronija, kupina i ribizla.

Proizvodnja mlijeka i mesa u blagom je porastu, s 3 aktuelne farme koje rade na principima savremenog uzgoja muznih grla i koje rade za otkupljivače. Manjih farmi, s 2-3 grla ima oko 30, a na farmama se uzgaja godišnje oko 2.500 teladi i junadi, 2.000 ovaca, 200 svinja, 1.000 koza i 90 konja. Godišnji prirast u govedarstvu je oko 500t, u ovčarstvu i kozarstvu oko 35t. Proizvodnja konzumnih jaja zasniva se na 7 manjih farmi, a godišnje se proizvede cca. 2.100.000 komada jaja i utovi 150 tona pilića.

Pčelarstvom se bavi više od 300 individualnih poljoprivrednih proizvođača. Prosječno se drži 3.000 društava pčela i ostvaruje se prosječni godišnji prinos meda od 30 tona i 2 tone voska.